



2104

Broj: 05.3.34-6208/25
Sarajevo, 12.06.2025. godine.

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
Reisa Džemaludina Čauševića 1
71 000 Sarajevo
N/r. PREDSEDavajućem SKUPŠTINE KANTONA SARAJEVO
Elvedin Okerić**



PREDMET: Odgovor na zastupničku inicijativu zastupnice Danijele Kristić, dostavlja se -

Poštovani,

U vezi Vašeg Dopisa o zastupničkoj inicijativi zastupnice Danijele Kristić o ispitivanju zdravstvene ispravnosti vode za piće i poduzimanja stručnog nadzora i deratizacije na području naselja Dobrinja u općini Novi Grad, br. 01-04-28707-8/25 od 23.05.2025., a u kontekstu trenutne epidemiološke situacije u Kantonu Sarajevo, dostavljamo Vam odgovor kako slijedi.

1. Na osnovu karaktera širenja, broja oboljelih, prostorne i vremenske distribucije oboljelih, epidemioloških anketiranja, zaključilo se da epidemija leptospiroze u Kantonu Sarajevo nije uzrokovana kontaminacijom vode za javnu vodoopskrbu, već je u pitanju urbana forma leptospiroze gdje je put transmisije kontakt sa izlučevinama zaraženih životinja, prvenstveno glodara. JU Zavod za javno zdravstvo Kantona Sarajevo u svim saopštenjima pravovremeno je informisao građane Kantona da, u kontekstu proglašene epidemije leptospiroze, nema bojazni od konzumacije vode porijeklom iz gradskog vodovoda. Uzorkovanje i ispitivanje zdravstvene ispravnosti vode za piće iz vodoopskrbnog sistema kojim upravlja KJKP „Vodovod i kanalizacija“ kontinuirano se vrši dinamikom i na lokalitetima definisanim Ugovorom između ViK-a i Zavoda, a u skladu sa zahtjevima Pravilnika o zdravstvenoj ispravnosti vode za piće ("Sl.glasnik BiH" broj 40/10; 30/12; 62/17). Napominjemo da navedenim Pravilnikom nije ni definisano ispitivanje bakterija leptospira u vodi za piće. Još jednom naglašavamo, ne samo u kontekstu trenutne epidemiološke situacije nego i uopšte, da se javni vodoopskrbni sistemi kojima se adekvatno upravlja, u kojima se voda redovno tretira, dezinfikuje i ispituje na zdravstvenu ispravnost, smatraju najsigurnijim načinom opskrbe ljudi vodom za piće.



Adresa: dr. Mustafe Pintola br.1, 71210 Ilidža
Tel/fax: 627-889; 622-227
web: <http://www.zzjzks.ba>
e-mail: inf@zzjzks.ba



3. U skladu sa Članom 27. Zakona o zaštiti stanovništva od zaraznih bolesti (Službene novine FBiH 29/05) provedena je obavezna protivepidemijska deratizacija na adresama oboljelih i nastaviti će se sve do zadnje prijave oboljelih koje budu na području Kantona Sarajevo. Također urađene su i korektivne mjere u sklopu proljetne sistematske deratizacije od strane konzorcija (Sanitacija d.o.o., Sanacija 3D d.o.o.) pod nadzorom Zavoda za javno zdravstvo KS i to na svim javnim lokacijama na kojima smo imali dodatne pritužbe kako od strane mjesnih zajednica, općina tako i samih građana. Urađena je i protivepidemijska dezinfekcija vozila javnog gradskog prevoza na području Kantona Sarajevo (KJKP Gras doo Sarajevo i Centrotrans dd Sarajevo).

S poštovanjem,

Izradile:

dr Aida Pošković-Bajraktarević, spec.epidemiologije

dr Agnesa Porović-Hodžić, spec. higijene i medicinske



Dostaviti:

- Naslovu;
- Arhiva kabineta Direktora;
- RJ01 i RJ0301